

"Sehingga kini, saya melatih lima remaja senasib anak saya sekitar Puchong dan Subang Jaya
Mohd Adli Yohya

Mahazura Abd Malik
mahazura@metro.com.my

Kuala Lumpur

DEMIMU LUQMAN

■ **Bapa berhenti kerja sebagai pengarah eksekutif fokus masa depan anak autisme menerusi projek kafe**

S anggup melepaskan kerjaya sebagai pengarah eksekutif sebuah yayasan syarikat perbankan demi membangunkan masa depan anak yang mempunyai masalah autisme.

Itu pengorbanan murni dilakukan seorang bapa, Mohd Adli Yahya, 53, untuk permata kedainya, Muhammad Luqman Shariff, 18. Bapa kepada enam anak itu berhenti kerja kerana mahu memberi sepenuh tumpuan kepada Autism Cafe Project yang dibangunkan sejak Mac tahun lalu untuk memberi peluang kepada remaja autisme bekerja termasuk Muhammad Luqman.

Mohd Adli berkata, selain melepaskan kerjaya bergaji lumayan, dia juga terpaksa bergadai harta termasuk menjual sebuah kenderaan dan meminta bantuan kenalan untuk membuka kafe berkenaan.

"Sebagai bapa, saya selalu risau masa depan anak istimewa saya dan sedar masa saya tidak lama, tetapi bagaimana nasib anak saya nanti bila saya sudah tiada.

"Saya berbincang dengan isteri supaya melakukan sesuatu untuk anak memandangkan kami sedar zaman sekarang bukan mudah seorang anak istimewa bersaing dengan orang normal.

"Saya nekad berhenti kerja pada Disember 2015 dan membuka kafe ini pada Mac tahun lalu secara kecil-kecilan di tepi rumah kami untuk memberi pendidihan dunia pekerjaan kepada anak kami itu," katanya.

Menurutnya, bagi-

manapun kafe itu yang pada mulanya dibangunkan bersama Persatuan Orang-Orang Kurang Upaya Subang Jaya tidak dapat bertahan lama kerana kurang mendapat sambutan.

"Alhamdulillah, mungkin rezeki Muhammad Luqman, permohonan saya dituluskan IM4U yang memberi kebenaran kepada saya menggunakan ruang niaga di Kompleks Rakan Muda, IM4U Sentral di Puchong pada Ogos tahun lalu.

"Selain dia, saya juga memberi peluang kepada remaja autisme lain menyertai projek ini. Sehingga kini, saya melatih lima remaja senasib anak saya sekitar Puchong dan Subang Jaya," katanya.

Menurutnya, setiap remaja berkenaan dipadankan dua orang setiap

hari untuk melayan pelanggan dan menguruskan kerja di kafe berkenaan, tetapi dipantau sepenuhnya oleh beliau.

"Setiap hari, mereka bekerja mengikut giliran dari jam 8.30 pagi hingga 12 tengah hari. Anak istimewa ini tak boleh buat kerja sepenuhnya dan tak boleh dipaksa tetapi mereka boleh dilatih dengan membuat kerja ringan seperti mencuci pinggan mangkuk dan melayan pelanggan.

"Kerja yang bahaya seperti menggunakan pisau dan air panas belum saya benarkan lagi kerana mereka tiada maluri takut dan bahaya," katanya.

Mohd Adli berkata, dia dibantu isterinya, menyediakan menu makanan berkhasiat di kafe berkenaan setiap hari.

"Setiap hari kami menyediakan makanan yang dibuat daripada ramuan sibat dan terpilih seperti menggunakan garam bukit, kurangkan gula serta tanpa pengawet dan perisa kerana rata-rata anak autisme kerap mengalami alahan.

"Saya juga

sengaja tidak menyediakan menu kerana mahu anak autisme ini berkomunikasi dengan orang lain dan meningkatkan keyakinan mereka.

"Setiap bulan, saya peruntukkan RM4,000 untuk operasi kafe termasuk elatun setiap bulan kepada setiap remaja autisme yang terbabit," katanya.

Menurut Mohd Adli, kafe berkenaan satu daripada empat cabang di bawah projek yang diwujudkan khusus untuk membangunkan kemahiran anak autisme supaya mereka dapat merasai pengalaman dunia pekerjaan atau sekurang-kurangnya mampu berdikari.

"Kafe itu antara projek utama. Kami juga bekerjasama dengan Pusat Pemulihan Dalam Komuniti (PDK) di Subang Jaya untuk membabitkan pelatih mereka yang tahu memasak dalam membuat kuih gonyang.

"Bagi yang tidak boleh datang ke kafe dan PDK, kami mempelawa ibu bapa membuat aneka biskut bersama anak autisme mereka dari rumah saja malah ada juga ibu bapa yang menawarkan diri membuat projek baju-T dan alas pinggan.

"Kami juga ada menerima tempahan catering yang kebanyakannya daripada orang luar dan syarikat korporat," katanya.

Menurutnya, semua produk buatan anak



autisme yang dibantu ibu bapa berkenaan akan dipasarkan menerusi jenama Autism Cafe Project dan mereka akan menerima pendapatan daripada setiap hasil kerja mereka.

"Istimewanya produk kami ini tidak terhad untuk tempoh waktu seperti musim perayaan saja sebaliknya ia boleh didapati berterusan sepanjang tahun.

"Setakat ini, projek kami mendapat sokongan daripada beberapa syarikat korporat selain individu prihatin yang sudi menjadi pelanggan kami.

"Alhamdulillah, permulaan yang baik apabila kami memasarkan 400 balang biskut sempena sambutan Tahun Baru Cina yang lalu," katanya.

Mohd Adli berkata, dia berharap dapat menarik lebih ramai pelanggan lain menyokong produk Autism Cafe Project demi pembangunan masa depan anak autisme di negara ini.

"Jangan salah faham, projek ini bukan berasaskan keuntungan, tetapi tujuan sebenar untuk membantu lebih ramai lagi anak autisme berdikari dan merasa peluang mencari pendapatan," katanya.



Mohd Adli membantu Muhammad Luqman bekerja di Autism Cafe Project di Taman Perindustrian Puchong.

"Latih mereka bertanggungjawab atau
sekarang-karangnya dapat menguruskan diri sendiri
Azlinda Mohamad

28-03-2017

setempat 25

HARIAN METRO



AZLINDA memantau Muhammad Arif membuat biskut sebagai pendedahan kepada dunia sebenar pekerjaan.



MUHAMMAD Luqman membuat biskut sebagai punca pendapatan.

Tiada alasan tak boleh berdikari

Rawang: Jika dilihat pada luarannya, tiada apa yang membezakan Muhammad Arif Iskandar Zulfitri dengan rakan seusianya.

Namun, ternyata tidak mudah mendekati anak muda berusia 22 tahun ini berikutan dia hanya mendiamkan diri seolah-olah berada dalam dunianya tersendiri sahaja.

Tiada jawapan yang diberikan sebaliknya setiap soalan sama ditontarkan kepadanya akan ditilangnya kembali.

Situasi ini barangkali sedikit pelik bagi mereka yang tidak biasa biarpun soalan ditontarkan begitu mudah dan boleh dijawab kanak-kanak berusia dua tahun.

Tetapi bagi Azlinda Mohamad, 44, kelakuan ganjil anak sulungnya itu bukan perkara baru sebaliknya sudah lali ditempuhi sejak lebih belasan tahun lalu.

Azlinda berkata, sama seperti ibu lain, dia menerima ketentuan Allah dengan reda apabila Muhammad Arif disahkan mengalami masalah autisme sejak berusia empat tahun.

"Saya perasan anak saya berkelakuan pelik tidak seperti kanak-kanak lain ketika usianya memasuki tiga tahun. Dia tidak bercakap, tidak memandang mata kita apabila bercakap dengannya dan sangat hiperaktif."

"Atas nasihat kakak ipar, kami bertemu pakar di Pusat Perubatan Universiti

Malaya dan baru saya tahu anak kami ada masalah autisme.

"Saya akui kami melalui detik sulir membesarkan anak ini kerana pada waktu dulu, penyakit itu agak baru dan tidak banyak maklumat berkatannya dapat dicari dalam Internet," katanya.

Menurutnya, dia dan suaminya, Zulkifli Abdullah, 51, tetap melayan dan mendidik anak istimewa mereka itu sama rata seperti insan normal kerana tidak mahu mewujudkan sebarang jurang.

"Scawal usianya tiga tahun serengah, kami didik dia menguruskan diri sendiri seperti buang air ketandas, mandi, sikat rambut dan memakai baju sendiri."

"Meningkat remaja, kami dedahkan dia dengan kerja mudah di rumah seperti membasuh serta menyidai baju, cuci pinggan dan sebagainya."

"Dia juga kami hantar ke sekolah macam rakan sebayanya yang lain kerana tidak mahu dia rasa tersisih," katanya.

Azlinda berkata, dia melatih anak istimewanya membuat kerja rumah bukan kerana mendera tetapi mahu Muhammad Arif berdikari dan tidak membebankan orang lain.

"Bagi saya, anak istimewa hanya sekadar istilah jangan jadi

kan alasan sebaliknya jadikan mereka bertanggungjawab atau sekurang-kurangnya dapat menguruskan diri sendiri."

"Isteri, satu cara yang mampu saya lakukan ialah melatih dia buat kerja rumah yang mudah dan secara tidak langsung sejak lima tahun lalu, saya juga ada babitkan dia dengan pertiagaan keluarga seperti membuat biskut dari rumah secara kecil-kecilan supaya dia dibekalkan dengan kemahiran dan pendedahan dunia sebenar pekerjaan," katanya.

ESOK » Cabaran menjaga anak autisme



MUHAMMAD Arif membentangkan persembahan keluarga mengenai biskut di rumah.



DARI Kiri, Muhammad Luqman, Nurul Nabila Mohd Nazri, 11, Nurul Akma Khalid, 26 dan Muhammad Arif menunjukkan hasil biskut dan kuih yang mereka buat untuk dijual.